



Spaanslagoen e cuna principal di nos bestia di lama ta na peliger

## Ta importante pa proteha tur palo di mangel, coral y pisca di lama



ORANJESTAD(AAN): Spaans Lagoen ta keda un preocupacion. Antes hopi hende no sa di dje y e pisca nan tabata tin trankilidad



manera mester ta. Sinembargo tin diferente actividad nan cu ta tuma luga den spaanslagoen unda cu un cantidad grandi di pisca ta muri. Coordinador di Stima Aruba sra Olinda

Rasmijn ta duna di conoce cu Aruba a para bira cu tur hende por traha kico cu nan kier riba rif, esaki ta un situacion hopi dificil y delicado. Te na unda cu fundacion

Stima Aruba ta na altura cu solamente sr Werleman tin permiso di por a traha algo riba rif y ningun otro hende mas, sinembargo e situacion ta otro. E persona nan cu ta bay campa riba rif ta haci un daño grandi na nos lama y coral unda cu tur e sushedad saco y blekinan ta keda riba rif of ta worde tira den lama. Segun sra Rasmijn lama mester worde trata cu cautela debi cu na otro parti di mundo tambe nan ta cabando cu e naturaleza di lama.

Actualmente na Aruba tin tres grupo cu ta core riba hydro sport y ta haci e deporte aki den spaanslagoen, unda cu e cuna di pisca nan ta. Segun sra Rasmijn na momento cu a bay hala atencion di e grupo nan aki nan no ta tuma e situacion na serio. E grupo cu ta haci hydro sport ta gana placa cu e aki y alaves ta destruuyendo e cuna di pisca unda cu ta trapa riba e acuerdo di Ramsar.

Ramsar ta un acuerdo internacional unda cu ta existi cu cada pais rond mundo mester proteha nan propio cuminda y nan naturaleza flora y fauna. E luga cu e pisca na Aruba tin pa nan multiplica ta den Spaans Lagoen. Sinembargo tin grupo di persona cu ta stoba e proceso di naturaleza pa nos mes un cuminda riba mesa. E comunidad mester bira mas consciente cu Spaans Lagoen ta un parti di Aruba cu ta hopi importante pa e desaroyo di multiplicacion di nos pisca nan y otro bestianan di lama.


Na varios ocasion Stima Aruba a manda carta na gobierno pa nan atende y proteha e parti importante aki di Aruba, sinembargo ningun hende no a percura pa haci algo pa nos salba nos pisca nan di rif.

Coral ta hopi importante pa tur pisca, via di e coral tur pisca ta keda den becindario y na unda cu nos como ciudadano ta haya pisca pa come, si no tin coral no tin pisca y no tin cuminda ni pa nos como Arubiano, pero tampoco pa e turistanan cu ta bin bishita nos isla. Pesey mes ta importante tambe pa proteha tur e palonan di mangel cu tin na canto di lama. Segun sra Rasmijn varios pais a cuminsa pone atencion na e situacion nan aki y na unda cu esnan cu kibra e palonan di mangel canto di lama ta haya boet, pero aki na Aruba nada no ta sosode.



**Dr. Carlos Alex Schwengle**

Minister di Salud Publico, Cuido di Nos Grandinan y Deporte.



**"Respeta derecho di otro,  
esey ta garantisa bo paz."**

Gilberto François

**BETICO**  
Croes

**Felis Dia di Betico!**